



O‘ZBEKISTON RESPUBLIKASI NAMANGAN VILOYATI HOKIMINING QARORI

2025-yil 21-iyul

349-6-0-Q/25

Namangan viloyati hokimligi

Namangan viloyati hokimligida “Xavflarni boshqarish” qo‘mitasining yangilangan tarkibini tasdiqlash to‘g‘risida

O‘zbekiston Respublikasi Prezidentining 2024-yil 10-iyuldagi “Budjet mablag‘laridan foydalanish ustidan moliyaviy nazoratni kuchaytirish bo‘yicha qo‘shimcha chora-tadbirlar to‘g‘risida” PF-100-sonli Farmoni ijrosini viloyatda ta‘minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 21¹-moddalariga muvofiq,

QAROR QILAMAN:

1. O‘zbekiston Respublikasi Prezidentining 2024-yil 10-iyuldagi “Budjet mablag‘laridan foydalanish ustidan moliyaviy nazoratni kuchaytirish bo‘yicha qo‘shimcha chora-tadbirlar to‘g‘risida” PF-100-son Farmoni ma‘lumot va ijro uchun qabul qilinsin.

2. Namangan viloyati hokimligining moliyaviy va boshqa xavflarning oldini olish uchun “Xavflarni boshqarish” qo‘mitasi yangilangan tarkibi ilovaga muvofiq tasdiqlansin.

3. Belgilansinki, Ichki audit xizmati – Qo‘mitaning ishchi organi hisoblanadi.

4. Quyidagilar Qo‘mitaning asosiy vazifalari etib belgilansin:

ichki audit xizmati tomonidan tizim faoliyati va maqsadli ko‘rsatkichlarga (indikatorlarga) erishish bilan bog‘liq moliyaviy, operatsion hamda ichki nazoratga oid aniqlangan xavflarning ro‘yxati shakllantirilishi va yangilab borilishini ta‘minlash;

davlat xaridlari to‘g‘risidagi qonunchilik talablariga rioya etilishini hamda aniqlangan xavflarni bartaraf etish;

xavflarni aniqlash va bartaraf etish bo'yicha ichki audit xizmatlari faoliyatini samarali tashkil etish;

har chorak yakuni bo'yicha xavflarning kelib chiqish sabablarini tahlil qilish hamda oldini olish, oqibatlarini bartaraf etish yuzasidan ichki audit xizmatlari tomonidan amalga oshirilgan ishlarni atroflicha muhokama qilish;

normativ-huquqiy hujjatlar va huquqni qo'llash amaliyotidagi xavflarning yuzaga kelishiga imkon beruvchi ziddiyatlarni bartaraf etish, tegishli me'yorlarni takomillashtirish bo'yicha takliflar tayyorlash;

xavflarning oldini olishni nazarda tutadigan istiqbolli yo'nalishlarni belgilash.

5. Namangan viloyati hokimining 2025-yil 4-martdagi 110/6-0-Q/25-sonli qarori o'z kuchini yo'qotgan deb hisoblansin.

6. Mazkur qaror ijrosini nazorat qilishni o'z zimmamda qoldiraman.

Viloyat hokimi



Sh. Abdurazakov

Namangan viloyati hokimining
2025-yil 21-iyuldagi
349-6-0-Q/25-son qaroriga
1-ilova

**Namangan viloyati hokimligining “Xavflarni boshqarish” qo‘mitasining
yangilangan
TARKIBI**

№	Ismi-sharifi	Lavozimi
1	Abdurazakov Shavkatjon Shokirjanovich	Namangan viloyati hokimi – qo‘mita raisi
2	Baxriddinov Zuxriddin Baxriddin o‘g‘li	Namangan viloyati hokimining birinchi o‘rinbosari - qo‘mita raisining o‘rinbosari
3	Otaxanov Abdulaziz Muxammad o‘g‘li	Namangan viloyati hokimligi Ishlar boshqarmasi boshlig‘i
4	Musayev Jo‘ramirza Sobitxonovich	Namangan viloyati hokimligi Yuridik xizmati boshlig‘i
5	Ismatov Orifjon Qaxxarovich	Namangan viloyati hokimligi bosh hisobchisi
6	Ermatov Doniyor Po‘latovich	Namangan viloyati hokimligi Korrupsiyaga qarshi ichki nazorat qilish sho‘basi boshligi
7.	Abdullayev Muzaffar Abdug‘aniyevich	Namangan viloyati Iqtisodiyot va moliya bosh boshqarmasi boshlig‘ining birinchi o‘rinbosari
8.	To‘rayev Abdurahmat Mahammadyo‘ldashevich	Namangan viloyati G‘aznachilik xizmati boshqarmasi boshlig‘i
9	Qosimov Qodirjon Odilovich	Namangan viloyati hokimligi Ichki audit xizmati bosh mutaxassisi – qo‘mita kotibi

Izoh: Qo‘mita a‘zolari boshqa ishga o‘tgan taqdirda, uning tarkibiga ushbu lavozimga tayinlangan yoki tegishli funksiyalarni bajarish zimmasiga yuklangan shaxslar kiritiladi.